

48818.

Q. F. Fq. S.

Megistanes Urbis nostræ qvibuscunq; honoris
titulis Condecorandos
REPUBLICÆ, ECCLESIÆ, CIVITATIS DECORA
omnes deniq; qvi decorum amant

UT

STRENAM

qvam Oratione privatâ industriâ elaborata

publicè proponet

Juvenis inter decora nostri Lycei ingenia literis
elegantioribus decenter Ornatus & excultus

GEORGIUS BERENS

DE

DECORO STRENÆ ROMANORUM

Die 5. Jānuarii, Anni, qvem nunc auspicamur, 1704.

decorè, ut fere solet, verba facturus
auribus accipere non invitit
benevolè dignentur
ea, qvâ decet, submissione rogat

M. JACOBUS Wilde.

Humanit. P. P.

RIGÆ,
TYPIS NÖLLERIANIS.



N novissimum nos incidisse secu-
lum vel ideo asseverare ausim, qvōd omnis or-
do, omnis ætas insano novitatis studio tenetur,
adeo tū antiquissimo genere orti
tota licet veteres exornent undiq; cera
Atria. (a)

cei tamē novi esse homines ambient. Non quidem novum
est, novitatis esse studiosum, qvæ ab omniretrò seculorum me-
moria grata fuit. Neq; ullius laudis capaces esse judico antiquarios
illos, qui omnia promiscue recentiora ætatis politioris inventa ita
averiantur, ut præter peram Diogenis & attritum Aristotelis palli-
um (ut falsè qvispiam inter hujus ævi Eruditos loquitur (b) nihil
esse decorum autument. Multo minus illos, qvos vocant, in angu-
lo Philosophos plus nimio theoreticos probō, qui cum Democrito
ridibundo sed & perridiculo

— — Dum peregrè est animus sine corpore velox (c)

nescio qvæ abstrusa rimantur & mirantur, secessus petentes remo-
tissimos, & exuta omni curiositate præterita plus qvām præsentia,
qvām nova, qvām qvæ quotidie inter homines geruntur, curantes.
De tali enim si ferenda sententia esset, nē ipsum quidem Parnassium
Judicem mitiorem eis irrogaturum poenam arbitror, qvām qvā
Vestales qvondam afficiebantur, qvas in terram vivas defodere so-
lebant. (d) Quem enim interventurum putes, qvō minus noctuæ
nocti addicantur æternæ, & ex hominum relegentur convicti, qui
societatem fugiunt, qvomodo vivat nec sciunt nec scire gestiunt,
sicq; sponte sua civiliter moriuntur? Sed iis quidem Hippocratem
qvendam, qvem & Democrito olim commendabant, (e) opto, qui
me-

(a) Juven. Sat. 8. v. 19. (b) Conf. die monatliche Gespräche der Träumenden.
(c) Horat. de Democrito lib. 1. Ep. 12, v. 13. (d) Rosinus Antiquy, lib. 3.
c. 19. (e) Hippocrat. in Epist.

medicam eis afferat manum, qvō à phrenesi sua ad saniores re-
deant mentem! Pruritum vero novitatis nostri seculi illum animi
morbū voco, qvō nunquam adipetus sedatur hominum, qvā
quotidie ipfis, qvicq; apponitur novi quantumvis sit inconditum,
salivam mouere possit. At hoc ad omnes tam late serpit malum,
ut nemo vel ipsa antiqui appellatione indecori aliquid comprehendē-
dubitet, & omne, qvod est ubiq; decorum novum esse qvisq; con-
tendat, qvod Majoribus nostris nē per transennam qvidem adspice-
re contigerit. Hæc, qvam tam avide antiquæ alias fidei & antiquo-
rum rituum observantissimi Germani imbiberunt sententiam, ē
Rhodano Celtarum orta, in Rhenum sese effudit. Non enim tam
fecunda monstrorum genitrix Africa, qvām monstrorum novi-
tatum Gallia est, ut illud: Αέ φέρει η λιθον κανόν (f) (Libya semper
fert malum) suo sibi jure vendicans, repetundarum qvæ poscere
Libyam possit. Neq; mirum. Qvandoquidem nostrates non am-
babus tantum ulnis, qvemcunq; illi enixi fuerint fœtum pumilum &
distortum amplexantur, sed deosculantur etiam & in finu gerunt;
hinc invitantur illi, ubi præfertim res eis qvæstum parat, novum sub-
inde concipere & excludere. Sic eo tandem ventum est, ut nova
jam verba gens superba, novos vitæ ritus, novos corporis situs, no-
vas mappas, novas vappas, novas vestes, novas pestes in nostram
patriam dulcissimam invexerit. Sed id vix Catonis stomacho te-
rendum est, qvod turpi qvæsi mangonio nos fallere cōtentur, dum
sub novō qvoq; titulō, qvod institoribus qvibusdam familiare est,
merces suas putridas & fucofas extrudunt. Decorum enim ubiq;
prætendunt, qvod novō qvōdam & admēdum lubrico vocabulo
Galanterie nominantes, ut sunt sibi admodum Suffeni suæ tantum
regionis avem esse, aut sibi reapſe, aut aliis saltim persvadent. Sed
frustra. Licet enim aliis atq; aliis, cui elegantiam antiquitatis, pul-
vere & oblivionis obſitam, eruere & perspicere non contigit, credulum

(f) Paul. Manut in adag. p. 935. ex Arist. & Plin.

se eis præbeat, non tamen desunt qui illud ing erant Martialis, quod Lentino, qui in tunc capillis juvenem mentiebatur, quondam accinebat: *Non omnes fallis!* (g) Neque enim antiqui omnes in vervecum patria nati erant, qui ignorarent, in omnibus rebus decorum esse quam maximè spectandum. Quid Cicero, elegansissimus non studiis tantum literarum sed & vitæ totius, aliud in Græcis æque ac Romanis commendat, quam hodiernam Galanterie sive elegantiam, hunc in modum scribens: *Ut in vita, sic in oratione nihil est difficilior, quam quod deceat: πέμποντες appellant Græci, nos dicamus sane decorum.* Hujus ignorantie non modo in vita, sed sapientissime & in Poëmatiis & in Oratione peccatur. (h) Ferant sane ipsi homines Galliani super hac Oratoris formula, quæ ipsis forsan injuriarum videbitur, sententiam! Sed quid dicturos arbitraris? Nihil sane habebunt. Ast occinet ei fortasse canorum aliquod animal & gloriabitur: Habuisse quidem & illam ætatem aliquid decori, quod tamen nunc in desuetudinem abierit & indecorum esse coepit, quum novò & longè elegantiori Gallorum modo (ut loqui amant) vivatur, siquidem & Romani in horum mores transferint, & fasciis suis eorum bracas superinduerint. (i) Sed non dicam, quod iste furore aliquo agitur, quem sive Gallo fluvio sibi cognomine hausit, de quo Poëta canit:

Annis it insana, nomine Gallus, aqua,

Qui bibit inde furit. (k)

Sive immittente Cybele Dea Gallorum concepit, quæ suos olim Hierodulos in furorem versos, Galliambum canere insanum docebat. (l) Id certè dicam, teste omni antiquitate & historiâ, quod Galli in Romanorum venerint & ditionem, & leges, & ritus. Sed Tullius, quamquam sui seculi decorum non ignorabat, noverat tamen illud

ex

(g) Martial, lib. 3. Ep. 43. (h) Cic. Orat. 70. (i) Talia ferè jacetat Mr. d'

Alquie in suis sic dictis delices de la France. (k) Ovid, IV. Fast. v. 364.

(l) Rosinus lib. 3. c. 27.

ex antiquitatis fonte manasse. Proinde eam tanquam vitæ dirigen-
dæ Helicen & Cynosuram commendat, inquit: *Et primò quidem
utamur omni antiquitate, quæ quod propius aberat ab ortu & divina
progenie eò melius ea fortasse, quæ eram vera, cernebat.* (m) Hinc
etiam florentissimæ Urbis cives non impolitisuos Legatos ad Græ-
cos mittebant, qui leges, qui ritus, qui vivendi instituta describerent.
(n) Horum multa hic exscribere possem, sed, ut Poëta monet, *quod
in stat agamus, (o) & strenam, quam præsens offert tempus, inspi-
ciamus, ex qua venusta vetustas, & vetusta venustas, tanquam ex
speculo relucebit!* Ecce autem roscido rorantem melle! Quæris
quid hic decorum maximè sapiat? Agedum primoribus tantum la-
bris delibabimus! Vota primis facere Calendis, decorum habetur:
Accipe è dulcissimo liqvo, quod neque Romanis tantum olim, sed &
nunc omnibus est votorum compendium:

Mella fluant illi, ferat & rubus asper amomum! (p)

Id certè quibus ex animo bene cupiebant, omnes olim vovebant:
Hinc Ovidius ita canit:

Flavag, de viridi stillabant ilice mella. (q)

Hinc cupit Horatius — — truncis

Lapsa cavis iterare mella. (r)

Hinc Virgilius alibi hoc concipit præfigit:

Et duræ querqus sudabunt roscida mella. (s)

Sed ex quibus quæsto favis haec dulcia mella & mellita vota, non sibi
tantum invicem, sed & decoro adeò congruentia, expresserunt?
Ex antiquitate. Benè enim haec interpretatur, qui dicit, *fieri allu-
sionem ad auream etatem, in qua mella dicebantur ex querubus flue-
re.* (t) Juxta illud Tibulli: *Ipsa mella dabant querqus* (u) Atqui ipsa
etiam

(m) Cic. I. Tusc. c. 12. (n) Rosin. lib. 8. c. 4. (o) Virg. Ecl. 9. v. 66. (p)

Jd. Ecl. 3. v. 89. (q) Ovid. Metam. I. v. 112. (r) lib. 2. Carm. Od. 19.

Str. 3. (s) Ecl. 4. v. 30. (t) Cerda ad Virg. Ecl. 3. (u) Tib. lib. I. El. 3.

v. 45.

etiam votorum formula à Græcis est petita, utpote qvos ita audias
canentes:

πεῖται χάρισσα οὐβαῖς επίν μέλιν, τόποι ὄφειν
ἀπάντις ἀνδρὸς τὰς κάλπας κηρά βάθος. (w)

Quid verò nostris vovetur moribus? Mellea certe ac mollia fata
vota finiunt omnium. Jam utrumq; nos in antiquos, an in nostros
antiqui transferint mores, qui volet judicet! Mellis in nutriendo ho-
mīne efficacia maxima est: Hoc Plato, attica apis (x) hoc Pindarus
(y) hoc Hiero (z) hoc Jupiter (aa) innutriti, qui? quales? quanti
fuere? Et Scythæ, qui melle ut plurimum vescebantur annon in-
exhaustis fuere viribus & sanitate inconcussa? (bb) Sed nos hodie
omnes amicis firmum corporis robur, vegeta membra, prosperam
valetudinem precamur; An à Romanis id docti sumus? Non an-
nuent, qui hodie tantum vivunt & quid heri factum sit, vix scire desi-
derant. Sed res ipsa loquitur. Itaq; hæc jam de melle promulgatis
locò carpsisse sufficiat plura percepturis, ubi mellationis tempus ade-
rit! Utut autem proverbio dicatur: σῦνον μὲν ιχθὺν (post pisces fi-
cus) ego tamen nunc jam caricas apponam! (Neq; enim cœnam
rectam instruere, sed sportulam tantum dare, id est, obiter delibare
singula, constitui) Ficum extrinsecus informem & rugosam, sed in-
trinsecus dulcem ac savorem huic non nemo subjecit lemmati: *Dul-
corem non speciem.* (cc) Romanos in Strena sua, qvæ domestica erat
& parabilis, sūco usos non fuisse, res ipsa declarat: Adhæc missis ca-
ricis, vultum interiori cordis notæ congruere, significabant, ut ei
(qvod dicitur) ἀποτελεῖσθαι σύντονος (similior ficu) esset. Hodie autem
sic cum ficum & qvod res est dicere debeo, longè fit aliter, ex quo
cum Gallis aliter legimus ac scripsimus, & aliter dicimus ac sensi-
mus. Cariças in tanto pretio habuerunt antiqui, ut Antigonus eas

Re-
(vv) Theocrit. Edyll. IV. (x) Elian. πρωκ: lib. 10. c. 21. (y) Id. lib. 12. c. 45.
(z) Justin. lib. 23. c. 4. & Val. Max. lib. 1. c. 6. (aa) Virg. lib. 4. Georg. V.
152. Conf. m. Nat. Com. in Myth. lib. 2. c. 1. p. 82. (cc) Picinell. in man-
do symb. l. 9. c. 13. Embl. 164.

Regi Indorum, per literas petentis dono mitteret. (dd) Ab hoc Ro-
mani eās existimare & simul quid amicis deberent, didicerunt. Sed
hodie ubi omnes ad rem ita sunt atque ut Martialis: σύντονος μέλι (di-
vide sicum) (ee) eis applicari queat, mihi quidem sicum hyeme
quærere videtur, qui talēm requirit amicum. Jam & ex hoc capite
utrum novum, an antiquum sit decorum, quisq; judicet! Ast liteat
etiam palmulas cum Augusto (ff) gustare! Palma prærogativæ
Symbolum est, qvippe qvæ etiam in Agonibus Capitoliniis iis, qui
qvacunq; arte reliquis præstarent, delata est. (gg) Palmam ergo
cum fructu palmae suis tradebant amicis Romani, melius ac hodie
pleriq; decorum observantes, siq; videin honorem honorantis, non
honorati esse, optimè noverant. Palma per ortis lunæ singulos sin-
gulos ramos progenerat; Finge duodecim rami præditam, & an-
num computabis spatium! (hh) Qyām perdecore ergo Romani
hoc suo munere felicitatem temporis adumbrarunt! qvām scite ef-
florescentis felicitatis votum per totum extendeant annum, ad re-
meantes usq; Cal. Jani! Utrum respondeant hisce hujis seculi inge-
niosa inventa, dicant illi, qui sibi solis hodie profundum sapiunt, si sine
rubore dicere possint! Sed quantum erravi errorem! Ó miserum
me & dignum, quem Patulcius Deus hisce æq; ac Ovidium corripiat:

— — O qvām te fallunt tua secula! (ii)
Nam cum hodie aptè sonet illud Horatianum:
O oves, oves, qvārenda pecunia primum! (kk)
Stipem tamen Romanorum in ultimum rejici locum, sed certe non
ultiū decori honorem ei dabimus, si ad obrussum exigemus, ubi
præsertim ultrō nec petenti conferatur, qvomodo imperante Augu-
sto, omnes ordines quotannis in lacum Curtii pro salute ejus stipem jacie-
bant, iūem Cal. Jan. Sirenam in Capitolio etiam absenti. (ll) Qui vero cum
(dd) Mylius in hort. Philos. p. 82. ex Athenæo: (ee) lib. 1. Ep. 39. (ff) Sve-
ton. in Aug. c. 76. (gg) Rosin. lib. V. c. 18. p. m. 75. (hh) Meursius in ar-
boreto Sacro c. 5. p. 30. ex Sacris Ægyptiorum. (ii) I. Fast. v. 193. (kk)
Horat. lib. 1. Ep. 1. v. 53. (ll) Svet. in Aug. c. 57.

Caligula edicunt Strenas ineunti anno se se recepturos, sicutq; in vestibulis
aedium ad captandas Stipes, quas plenis ante eos manibus ac jinu omnis ge-
neris turba fundere cogitur. (mm) qviq; homines triparci nihil qvi-
quam amicis irretortis oculis donare sustinent, pariter à decoro de-
flectunt. Utrum hoc an illud nobis magis sit familiare, docet expe-
riencia. Sed mirabitur forte aliquis, qvod adeò antiquos ritus con-
mendem, ut mea fastidire tempora videar. Huic ego illud repono,
qvod Cicero Attico suo rescribebat: *Qvod scribis asperius me, quam
mei patientur mores de Dionysio (Strena) scriptissime vide, quam sim anti-
qvorum hominum!* (nn) Sed qvod idem alibi scribit: *Nemo me adeò
antiquarium putet, ut (Romanos) ex ea parte laudem, qua antiqui (nec
decori) sunt.* (oo) Qvin ego cum Ovidio edico:

Laudamus veteres, sed nostris utimur annis,
Mos tamen est ag. dignus uterq; col. (pp)
Neq; ergo isti placent Pantomimi, qvi omnia Gallorum tantum i-
mitantur. Neq; illi, qvi antiquiorum rituum nimis sunt tenaces. Nam
& Chamaeleon mihi decorum videtur esse, omnes ubiq; imitans colo-
res: & talis avicula (qvalem aliqui somniant) qvæ commoritur &
connascitur cuilibet diei, & cum qvibus volitat avibus, cum iis eos-
dem cantillat modulos (qq) Strenam itaq; nec Romanorum, nec
Gallorum offero, sed illud Claudiani omnibus propino: *Festior annus
eat!* (rr) Qvi verò Strenam ex antiqua novam aspernari nolunt, illi
ab Oratore supra commendato eam accipere né graventur. Hic e-
nīm Juvenis Politissimus, ut sui ævi decorum, cui totum se dicavit,
cum antiquo conferre allaboravit, indecorum sibi duxit, si hoc inpri-
mis operoso tempore, quo nemini apud antiquos qvi escere con-
veniebat, teste Nasone; (ss) veterno deditus, ignavo ster-
ret otio. Qvapropter argumentum & huic temporis & studiis
tam suis, quam omnium fere hominum conveniens decenter exse-
cutus: decorè ut arbitror, vel certe modestè recitat. Dedi ipsis
Jani Calendis. Anni M. DCCIV.

(mm) Jd. in Cal. c. 42. (nn) lib. 9. Ep. 15. (oo) Dial. de Orat. c. 21. (pp) I.

Fast. v. 225. (qq) Cont. Radau in Orat. Extemp. Part. 2. c. 7. p. m. 342.

(rr) Claud. de 3. Conf. Hon. v. 3. (ss) 1. Fast. v. 169